

UGOVOR

O KUPOPRODAJI PUTNIČKIH MOTORNIH VOZILA

Ugovorne strane:

1. **MINISTARSTVO UNUTRAŠNJIH POSLOVA KANTONA SARAJEVO – UPRAVA POLICIJE**, La Benevolencija br. 16, koga zastupa Policijski komesar Mevludin Halilović, (u daljem tekstu: Kupac)
2. **“PORSCHE BH” d.o.o Sarajevo**, Bulevar Meše Selimovića broj 16, koga zastupaju direktor Vaszi Andor Alex i izvršni direktor Senad Olovčić, (u daljem tekstu: Prodavac)

Član 1.

Predmet ovog ugovora je nabavka osamdeset (80) putničkih motornih vozila VW GOLF 1.6 TDI 85 kw, za potrebe Kupca, po objavljenom obavještenju o nabavci broj 16475-1-1-12-3-1/17 od 21.07.2017. godine, na osnovu Odluke o izboru najpovoljnijeg ponuđača broj 02/14-4-11293/17 od 07.09.2017. godine.

Ponuda Prodavca sastavni je dio ovog ugovora.

Član 2.

Ugovorne strane su se sporazumjele da kupoprodaja iz člana 1. ugovora obuhvata sve elemente navedene u ponudi Prodavca na osnovu koje je, zajedno sa elementima iz tenderske dokumentacije i sačinjen ovaj ugovor.

Vrijednost ugovora sa uključenim PDV-om, pripadajućim zavisnim troškovima, te ostalim porezima i obavezama iznosi 2.596.464,00 KM (dvamilionapetstotinadevdesetšesthiljadačetiristotinešesdesetčetiri konvertibilne marke).

Član 3.

Prodavac se obavezuje da će robu iz člana 1. ovog ugovora isporučiti najkasnije u roku do 120 (stotinudvadeset dana) dana od dana stupanja na snagu ovog ugovora na adresu Kupca, Zmaja od Bosne 9, 71000 Sarajevo.

Sve troškove isporuke do primopredaje, kao i troškove reklamacije snosi Prodavac.

Ugovorne strane su saglasne da se prilikom primopredaje motornih vozila iz člana 1. sačini zapisnik.

Prodavac se obavezuje da će odmah postupiti po eventualnim primjedbama Kupca u pogledu nedostataka na ime izvršene nabavke iz člana 1. i 2. ovog ugovora.

Član 4.

Plaćanje izabranom ponuđaču će se vršiti na sljedeći način:

- 30% od vrijednosti ugovora avansno, po ispostavljenoj fakturi za avans, najkasnije u roku od 30 dana od dana ispostavljanja fakture, uz prethodno dostavljenu bankarsku garanciju za pokriće avansnog plaćanja, i
- 70% od vrijednosti ugovora po ispostavljenoj fakturi za isporučenu robu najkasnije u roku od 30 dana od dana ispostavljanja fakture.

Član 5.

Cijena i ostali elementi ovog ugovora se ne mogu mijenjati.

Prodavac je dužan u roku od deset (10) dana od dana zaključivanja ugovora, dostaviti garanciju za uredno izvršenje ugovora u obliku безусловne bankarske garancije u iznosu od 10% od vrijednosti ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Član 6.

Ukoliko Kupac ocijeni da Prodavac nije u stanju kontinuirano i kvalitetno izvršavati preuzete obaveze, odnosno ukoliko ponuđena roba nije u skladu sa datom ponudom iz člana 1. ovog ugovora, Kupac može jednostrano, bez saglasnosti Prodavca, raskinuti ovaj ugovor.

Član 7.

Rok isporuke robe je 110 dana od dana obostranog potpisivanja ugovora.

Kašnjenje u realizaciji Ugovora povlači obračun ugovorne kazne u visini od 1% od vrijednosti ovog ugovora za svaku punu sedmicu kašnjenja do urednog ispunjenja, s tim da ukupan iznos ugovorne kazne ne može biti veći od 10% od vrijednosti ovog ugovora.

Član 8.

Garancija Prodavca na isporučena putnička motorna vozila je četiri (4) godine bez ograničenja kilometara (uz redovno održavanje u ovlaštenim servisima).

Prodavac se obavezuje da po potrebi Kupca obezbijedi originalne rezervne dijelove i servisiranje vozila koje pokriva garancija u toku trajanja garantnog perioda.

Ova obaveza Prodavca se ne odnosi na kvarove koji nastupaju kao posljedica nestručnog rukovanja i više sile.

Detaljne odredbe kojima se regulišu prava i obaveze ugovornih strana u pogledu garancije na isporučena motorna vozila se nalaze u prilogu ovog ugovora i sastavni je dio ugovora.



Član 9.

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

Član 10.

Eventualno nastale sporove pri realizaciji ovog ugovora, ugovorne strane će rješavati sporazumno, a u slučaju da se ne riješe sporazumno, utvrđuje se nadležnost Suda Bosne i Hercegovine u Sarajevu.

Član 11.

Svaka od ugovornih strana može otkazati ovaj ugovor u pisanoj formi, uz otkazni rok od petnaest (15) dana iz razloga koji su utvrđeni Zakonom o obligacionim odnosima.

Član 12.


Ovaj ugovor stupa na snagu danom potpisivanja obje ugovorne strane.

Član 13.

Ugovor je sačinjen u pet (5) istovjetnih primjeraka, od kojih Kupac zadržava tri (3), a Prodavac dva (2) primjerka.

PRODAVAC

PORSCHE BH d.o.o Sarajevo


Direktor
Porsche BH
Vaszi Andor Alex
Izvršni direktor
Porsche BH
Senad Olovčić
Broj: U-492/17

Datum: 05.10.2017. godine

KUPAC


UNUTRAŠNJIH
KANTONA SARAJEVO
Uprava
Mevludin Hadilović

Broj: 02-14-4-12691

Datum: 05.10.2017. godine

PRILOG

Obaveza kupca s obzirom na garanciju

Da bi ostvario pravo na garanciju Kupac je obavezan da:

- se pridržava dobijenog Uputstva za upotrebu vozila i Servisnog plana (servisna knjižica)
- sve popravke, kao i redovno održavanje vozila izvodi isključivo kod Volkswagen ovlaštenih servisnih partnera, uz ovjeru Servisnog plana;
- sve servisne radove izvodi po dinamici navedenoj u Servisnom planu i da se pri tome koriste isključivo Volkswagen originalni dijelovi i odobrena sredstva od strane proizvođača u skladu sa procedurama i smjernicama koje isti propisuje;
- se javi najbližem Volkswagen ovlaštenom servisnom partneru, ukoliko Volkswagen vozilo nije funkcionalno zbog greške/nedostatka u materijalu;
- neposredno po otkrivanju nedostatka/kvara koji je u smislu garancija, blagovremeno obavijesti Volkswagen ovlaštenog servisnog partnera o potrebi otklanjanja istog;
- naknadna opremanja vozila dodatnim sistemima za zaštitu vozila od krađe obavi kod Volkswagen ovlaštenog servisnog partnera;
- sva naknadna opremanja vozila elektronskimi/ili mehaničkim sistemima, a koje je prethodno odobrio proizvođač/importer, obavi u Volkswagen ovlaštenim servisima.

Isključenja iz garancije

Garancija ne pokriva nedostatak koji je nastupio kao posljedica:

- djelovanja više sile (poplava, grom, zemljotres i sl.) ili oštećenja uzrokovana vanjskim mehaničkim i/ili hemijskim uticajima izvan vozila (npr. djelovanje životinja, životinjske ili biljne materije kao što je izmet ili ismola, udarci kamenčića, industrijski i izduvni gasovi u zraku i sl.);
- namjerno izazvanog nedostatka/kvara na vozilu npr. vandalizam;
- specifičnih uslova eksploatacije i rukovanja vozilom (sudar, loši putevi, nepravilna upotreba vozila, puknuće gume i sl.);
- prirodnog habanja i trošenja komponenti vozila (gume, kočione obloge, kočioni diskovi, svjećice, amortizeri, filteri, metlice brisača, podešavanje vrata, haube i geometrije trapa i sl.);
- ugradnja dijelova u vozilo koje nije odobrio proizvođač, odnosno importer;
- ugradnja/promjene na vozilu koja nije obavljena u skladu sa uputstvima proizvođača/importera;
- otklanjanja oštećenja ili kvara od strane neovlaštenog servisera;
- korištenje vozila suprotno namjeni istog (upotreba za sportske svrhe ili za bilo koje druge vrste takmičenja, npr. u moto sportu i sl.);
- opterećenja vozila iznad ograničenja određenih Uputstvom za njegovu upotrebu;
- upotreba goriva, maziva, motornog i drugog ulja, rashladne tečnosti, sredstava za čišćenje i poliranje, koja ne zadovoljavaju propisani kvalitet od strane proizvođača ili se ne koriste shodno njihovoj namjeni i uputstvu za upotrebu;
- nepoštivanje uputstva za upotrebu vozila i Servisnog plana definisanog od strane proizvođača;
- propusta kupca da odmah prijavi kvar na vozilu ili protivljenja kupca da se odmah izvrši popravka vozila;
- ostalih slučajeva koji nisu gore navedeni, ali s istim stoje u uzročnoj vezi.

Ostvarivanje prava na garanciju

Za ostvarivanje prava na garanciju važe slijedeći uslovi:

- kupac može ostvariti pravo na garanciju kod bilo kojeg Volkswagen ovlaštenog trgovca, odnosno servisnog partnera na teritoriji Bosne i Hercegovine;
- radi ostvarenja prava iz garancije, vlasnik garancije obavezan je prije započinjanja otklanjanja nedostatka/kvara da omogući utvrđivanje nedostatka/kvara u Volkswagen ovlaštenom servisu;
- nepridržavanje obaveza kupca može imati za posljedicu djelimični ili potpuni prestanak važenja Volkswagen garancije;
- za slučaj usmene prijave/reklamacije za ostvarivanje prava na garanciju, kupcu se mora uručiti pismena potvrda o prijemu prijave/reklamacije;
- prava iz garancije ne umanjuju prava koja kupcu pripadaju temeljem drugih propisa.

Ostale odredbe

- zamijenjeni dijelovi postaju valsnitvo proizvođača koji za njega preuzima i čuva Volkswagen ovlašteni servisni partner;
- garancija ne pokriva troškove redovnog održavanja vozila (troškovi usluge i materijala);
- importer garantuje da će za prodato vozilo najmanje deset godina, računajući od datuma prestanka proizvodnje vozila osigurati servisiranje, kao i mogućnost nabavke originalnih rezervnih dijelova;
- odjava ili privremeno mirovanje vozila, kao i promjena korisnika ili vlasnika vozila, nema uticaja na trajanje prava na garanciju istog;
- kupac nema prava na bilo kakva dodatna potraživanja, osim prava utvrđenih garantnim listom.

o/